

Bog sakasał jo, daschi še stańo s myšleńami, se słowami, s hoblizom, abo se statkami, ga grěschy won. Wono nějo togodla jano grěch, gaž ten žłowek to šle žyni, zož Bog sakasał jo, ale wono jo teke grěch, gaž won to dobre wostawijo, zož Bog pschikasał jo; pscheto chtož wě dobre žyniš; a jo něžyni, tomu jo wono grěch. (Sac. 4, 17). So tež to jo grěch, gaž ten žłowek to dobre tak něžyni, ako won dej, k pschirownosczi: gaž won deře še modli; ale niz nabožne a wot hutschoby. (Matth. 15, 8). S togo možomy něto husnasch, až to něptaschi, zo my, abo druge luže sa grěch žaržymy, abo něžaržymy; ale až schykno na tom lažane jo, lež nězo pscheschimo Božeje kasni zo, abo niz. Soli wono tej Božej kasni napřeki, ga jo wono grěch, a rownož tež my a druge luže jo sa šle něžaržali. A wot togo grěcha dajšcho nam wězej groniš.

Ev. Euf. 19, 41—48.

A gaž won še pschibližascho a na to město poglědnu, pta-
kascho won nad nim,

A žascho: gaby tež ty husnało, teke hyschczi na tom twojom
dnu, zo k twojomu měru še goži! Ale něto jo wono psched two-
jima wozyma satawjone.

Pscheto dny budu na tebe pschiš, až twoje winifu budu
hokoło tebe a twojich žišchi s tobu wosny hobdwor huzyniš, tebe
hoblagnusch a na wšchynych stionach tešchniš.

A budu schi tej semi srownasch a we tebe žeden kameń na
drugem něwestawiš, togodla, až ty něšy husnało ten žaž two-
jogo domapytania.

A won žěšcho do togo templa a sachopi wen goniš tyč,
kěz we tom samem pschedawachu a kupowachu;

A žascho k nim: moja wjaža jo wjaža togo modleńa, wy
pał sežo ju huzynili k mordařskej jame.

A won huzascho kuždy žen we tom templu; ale te hušche
meršchniki a pišmahuzone a woshebnejšche togo luda pytachu, aby
jogo hušmerschili,